

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**02. Allaffeqarfimmiit oqaasiinnartigut paasissutissiissutit**

**Imm. 2.1 Allaffeqarfimmiit oqaasiinnartigut paasissutissiissutit**

**03. Aningaasaqarnermut tunngasut**

**Soqanngilaq.**

**04. Suliassat nalinnaasut**

**Imm. 4.1 Pensionisiaqalernissamut ataatsimiititaliamut malittarisassanik nutartikkanik akuersissuteqarneq**

**Imm. 4.2 2024-mi Atugarissaarnermut Ataatsimiititaliap ataatsimiittarnissaanut pilersaarummi allanngortitsineq.**

**05. Sulisoqarnermut tunngasut**

**Soqanngilaq.**

**06. Paasissutissiissutit**

**Soqanngilaq.**

**08. Tamalaat**

**Imm. 8.1 Tamalaat**

Ataatsimiinneq aallartippoq nal. 13:11

*Peqataasut:*

***Inuit Ataqtigiit***

Juliane Enoksen, Siulittaasoq, Sisimiut  
Navarana Lennert, Sisimiut

***Siumut***

Hans Frederik Olsen, Siulittaasup tullia, Sisimiut  
Barnabas Larsen, Kangaamiut, nal. 13:23 oqarasuaatikkut peqataalerpoq

***Naleraq***

Steffen Johansen, Sisimiut, nal. 13:23 oqarasuaatikkut peqataalerpoq

*Nalunaaruteqarlutik peqataanngitsut:*

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

Akuersissutigineqarput.

Hans Frederik Olsen eqqartugassaateqarluni oqarpoq taannalu immikkoortoq “Tamalaani”  
eqqartorneqassaaq.

**02. Allaffeqarfimmiit oqaasiinnartigut paasissutissiissutit**

**Imm. 2.1**

Pisortaanerup paasissutissiissuteqarpoq:

Ilaqutariit paarsisartut Aningaasaqarnermut Naalakkersuisoq Erik Jensen

Sisimiuniinnerani naapisinneqarput angajoqqaasiaqarnermi akileraartarnermut tunngasumik paasissutissiiffiqineqarlutik.

**03. Aningaasaqarnermut tunngasut**

Soqanngilaq.

#### **04. Suliassat nalignnaasut**

##### **Imm. 4.1 Pensionisiaqalernissamut ataatsimiititaliamut malittarisassanik nutartikkanik akuersissuteqarneq**

*Journalnr.*

##### Tunuliaqutaq

Maannakkut malittarisassat 2009-meersut siusinaartumik pensionit pillugit taamanikkut inatsisaasoq attuuttuusooq tunngavigalugu suliarineqarnikuupput taamaattumillu nutarterneqarnissaannut pisariaqartitsisoqarpoq taamaalillutik malittarisassat immikkoortumi inatsimmut atuuttuusumut naapertuutissallutik.

##### Maleruagassatigut tunngavissaq

- Inatsisartut inatsisaat nr. 40, 9. december 2015-imeersoq, Siusinaartumik pensionisiat pillugit
- Siusinaartumik sulisinnaajunnaarnersiutisiaqalertarnermut pillugit Namminersorlutik Oqartussat inatsimmik nalunaarutaat nr. 15, 30. juni 2016-imeersoq
- Siusinaartumik pensionisiat pillugit Inatsisartut inatsisaannut ilitersuut aprili 2020-meersoq

##### Pissutsit atuuttut

Maannakkut inatsisaasoq innuttaasut amerlanerusut peqataallutik sulilernissaanut periarfissiinissamik siunertaqartumik siusinaartumik pensioninik-, piginnaanngorsarnermut- aamma nikerartumik sulisarnermut tunngasumi Naalakkersuisut iluarsartuusseqqinnerannit inerneruvoq. Tamanna isumaqarpoq, siusinaartumik pensionisiaqalernissamut qinnuteqartut piginnaanngorsaqaartassasut, tassani pineqartoq tamakkiisumik ilaannakortumiilluunniit sulisinnaassutsiminik tiguseqqissinnaanersoq pillugu nalilersorneqarluni. Tassunga inuup pineqartup sulisinnaassusaanik ineriartortitsinissamik siunertaqartuusumik ilinnialernissamut, suliffimmut allamut ilinniarsinnaanermik, sulinermik misiliinermik il.il. suliniutinik imaqarsinnaasumik inummut pineqartumut piginnaanngorsarnissamut tulluarsakkamik suliaqartoqassaaq. Piginnaanngorsarnerup ingerlanneqarnerata naammassineqarnerata kingorna sulisinnaassutumik inaarutaasumik nalilersuisoqarsinnaassaaq tamatumalu kingorna siusinaartumik pensionisiaqalernissaq pillugu qinnuteqaammut isummertoqarsinnaavoq.

Inuup pineqartup ilinniarsimanermit tunuliaqutaanik, suliffeqarnermik misilittagaanik, inuttut piginnaasaanik, allanngorsinnaasusaanik, ilikkarsinnaassusaanik, soqutigisaanik inooqataanikkut pissutsinik aamma peqqissutsimut qanoq issusaanik matussusiiisuusutut piginnaanngorsarnermik ingerlatsinermik tunngaveqartumik inuup qanoq issusaanik aallaavilimmik suliarineqarnikuusumik isummertoqassaaq.

Qinnuteqartup sulisinnaasussanik tunngaveqartumik pineqartoq akigititanut sorlernut pisinnaatitaaffeqarnersoq nalilersorneqassaaq taamaaliornikkut pineqartup sulisinnaassusaa 0 - 25 procentimiippat qaffasinnerpaamik akigititamik, sulisinnaassusaa 26 - 50 procentinut akigititamik akullermik aammalu sulisinnaassusaa 51 - 75 procentimiippat akigitamik appasinnerpaamik pisinnaatitaaffeqassaaq.

Inuit siusinaartumik pensionisiaqalersinneqartut sivikinnerusumik sulinermi sulinnaassuserminnut assingusumik suliaqarnermik isertitatik ilasinnaavaat, tassa imaappoq ullup affaani sulinikkut.

Pensionisiaqalernissamut ataatsimiititaliamut malittarisassat nutartikkat maannakkut inatsimmut tulluarsagaapput aammalu siusinaartumik pensionisiaqalernissamut qinnuteqaatinik suliaqarnermut periusissatut atuuffeqassallutik.

Atuilluartuunissakkut kingunerisinnaasai

Periutsit aalajangersariikkat inatsimmik atuuttuusumik naapertuuttumi ingerlatsinerup pisarnissaata qulakkeerneqarnissaanut inatsimmik allannguinermi tamatigut nutarterneqartassagaluarput, sullissinermi kukkunernik amigaatinilluunniit pinaveersaartitsissammat.

Aningaasaqarnikkut allaffissornikkullu kingunerisinnaasai

Malittarisassanik aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Allaffeqarfiup naliliinerivaa, malittarisassanut atuuttuusunut tunngatillgu periutsit tulluarsarneqarnissaat tulluartuusoq, periutsinik sunnuteqarnerulersitsissammat, tamannalu nukissanik piffissamillu sipaarutaaqataassaaq.

**Innersuussut**

Atugarissaarnermut immikkoortortap Atugarissaarnermut Ataatsimiititaliamut innersuussutigaa

- Pensionisiaqalersinnaanermut ataatsimiititaliamut malittarisassat nutartikkat akuersissutigineqassasut

**Aalajangineq**

Akuersissutigineqarpoq suliarlu Kommunalbestyrelsemut paasissutissiissutitut ingerlateqqinneqassaaq.

**Ilanngussaq**

1. Pensionisiaqalersinnaanermut ataatsimiititaliamut malittarisassanut nutartikkanut siunnersuut

**Imm. 4.2 2024-mi Atugarissaarnermut Ataatsimiititaliap ataatsimiittarnissaanut pilersaarummi allangortitsineq.**

*Journalnr. 01.02.03*

Tunuliaqutaq

2023-mi decembarip sisamaanni Atugarissaarnermut ataatsimiititaliap ataatsimiinnermini 2024-mut ataatsimiittarnissanut pilersaarut akuersissutigivaa.

Ataatsimiinnerit tamarmik 13:00 aallartittassapput, allamillu nalunaaruteqartoqartinnagu oqarasuaat/videokonference aqutigalugu ingerlanneqartassallutik.

Pissutsit atuuttut

Allaffeqarfiup ajoraluartumik ullut ataatsimiiffissat marluk aningaasaqarnermut ataatsimiititaliap ulluni ataatsimiinnissaani qanippallaartumik inissisimasut maluginianngitsoorsimavaa. Taakku marluk imminnut qanippallaamik inissisimanerata kingunerissavaa, Atugarissaarnermut ataatsimiititaliap ullut ataatsimiiffissai allangortinneqangippata aprilimi septembarimilu aningaasaqarnikkut nalunaarussiaqanngitsoornissaa.

Ullut tullinnguuttut allangortinneqassasut siunnersuutigineqarpoq:

15. april 9. april 2024-mut allangortinneqassaaq

16. september 10. september 2024-mut allangortinneqassaaq.

| <b>Atugarissaarnermut<br/>ataatsimiititaliap</b> | <b>Aningaasaqarnermut<br/>Ataatsimiititaliap</b> | <b>Kommunalbestyrelsi</b> |
|--|--|---------------------------|
| 16. januar                                       |  |                           |
| 13. februar                                      | 20. Februar                                      | 29. februar               |
| 12. marts  | 19. marts  |                           |
| <b>9. april</b>                                  | 16. april  | 25. april                 |
| 14. maj  | 21. maj  | 30. maj                   |
| 13. juni   | 18. juni   | 27. Juni                  |
| 13. august                                       | 20. august                                       |                           |
| <b>10. september</b>                             | 17. september                                    | 26. september             |
| 14. oktober                                      | 22. oktober                                      | 31. oktober               |
| 13. november                                     | 19. november                                     | 28. november              |
| 10. december                                     | 17. december                                     |                           |

**Innersuussut**

Allaffeqarfiup Atugarissaarnermut ataatsimiititaliamut innersuussutigivaa

- 2024-mut ataatsimiittarnissani pilersaarummi allannguutit qulaaniittut akuersissutigineqassasut

**Aalajangiineq**

Akuersissutigineqarpoq.

**Ilanngussaq**

1. 2024-mi ataatsimiittarnissanut pilersaarut nutaatut siunnersuut

**05. Sulisoqarnermut tunngasut**

Soqanngilaq.

**06. Paasissutissiissutit**

Soqanngilaq.

## **08. Tamalaat**

### **Imm. 8.1 Tamalaat**

Hans Frederik Olsenip Sisimiuni illoqarfimmi pisut sakkortuut partiit akimorlugit politikkikkut avammut oqariartuuteqartoqarnissaa pisariaqarsorigaa. Tamanna ilaasortaasunit tamanit ilalerneqarpoq.